



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Ordo Et Caerimoniae Synodi.

urn:nbn:de:hbz:466:1-14298

ORDO ET CÆRIMONIAE SYNODI.

CVM cura Pastoralis omnes
summae sollicitudinibus par-
tes ab iis depositat, quos
Spiritus sanctus posuit re-
gere Ecclesiam Dei, eo-
rumque hereditas non ni-
si in Cruce Domini nostri
Iesu Christi positatis; Re-
verendissimus ac Illustris-
simus Princeps ac Dominus, D. FRANCISCUS
GUILIELMVS, Episcopus Osnabrugensis,
&c. in functione munera hujus, quod, viginti sex
ab hinc annis, magnum ac multiplex in hoc Epi-
scopatu suo Osnabrugensi sustinuit, summo semper
studio, vigilisque maximis, perennique diligentia
in hoc elaboravit, ut nihil, quantum per vires na-
ture licuit, vel ab Illustrissima Sua Celititudine,
vel aliis etiam Clericis, cooperatoribus suis, par-
tim errore aut ignorantia, partim etiam socratiæ
aut negligentiæ, committatur, quod domui Dei ac
pascendis Christi oibis impedimento detrimen-
tum esse possit. *Quæ causa est, quod prefatus Epi-*
scopus Osnabrugensis, Dominus Franciscus Gui-
lielmus, Synodum Diocesanam majorem Osnabru-
gi habendam indexerit, die decimæ quartæ mensis
Martii, anno millesimo sexcentesimo quinquage-
simo primo, in hec verba:

CITATIO AD SYNODVM.

Secundum antiquissimam consuetudinem
hujus Ecclesiæ Osnabrugensis, Reveren-
dissimus & Illustrissimus Princeps ac Domi-
nus, D. Franciscus Guilielmus, Episcopus Osnab-
rugensis, &c. feria tertia post Dominicam
Oculi, quæ incidit in diem xiv mensis Mar-
tii, M D C L I, celebrabit in Cathedrali hac
sua Synodum Diocesanam; ad quam, ex
mandato Illustrissima Sua Celititudinis, com-
parebunt omnes & singuli, qui de jure vel
consuetudine eidem interesse tenentur. Si-
stant autem se pridie apud Illustrissimam Sua
Celititudinem Osnabrigi, ut ejus mentem ac
mandata ulterius intelligent. Signatum Iburi-
gi, die vigesimæ quintæ Februarii, anno Chri-
sti M D C L I, Episcopus Osnabrugensis
vigesimali sexto.

*Feria secunda post Dominicam Oculi, pridie
Synodi indicte, die decimæ tertiae Martii, ad ho-
ram tertiam pomeridianam, presidente Illustrissimo
& Reverendissimo Domino Episcopo, comparue-
runt in Residencia Illustrissime Sua Celititudinis,
in loco ad id specialiter deputato, omnes ex Clero,
ad Synodum evocati. Et, posteaquam singuli nomi-
na sua edidissent, absentesque, per viciniores con-
cerdotes, aut Desans rurales, ad hoc specialiter*

rogatos, vel scriptis vel ore tenus excusati essent; se-
quentia puncta, sedulo diligenterque observanda,
hujus Synodi tempore proposita fuerunt.

TABELLA DISCIPLINÆ SYNODALIS.

i. Clerus, ad Synodum convocatus, secum
cogite, quas ob causas hæc actio anniversaria
celebretur.

ii. Omnes vos diligenter ad sacram Com-
munionem preparate.

iii. Assidue, castè, pureque preces Deo
adhibete.

iv. Ad rei, cujus causa conveniatis, gravi-
tatem intenti, totâ animi cogitatione in eam
incubite.

v. Ad cauponas ne divertite.

vi. Nolite per plateas vagari, aut, præ cu-
riositate, hac atque illac circumcurfare.

vii. Ad Synodalem sessionem, statâ hora
indictâ, sollicitè convenite.

viii. Nec verò raptim, sed gravi incessu.

ix. Vbi conveniatis loco constituto, su-
perpelicea munda ac decentia, aut alias ve-
rites, pro Ecclesiastici beneficij ratione, in-
duite.

x. Decenter induiti, ad statum sessionalem
locum, non turbulenter sed quietè, accedite.

xi. Bini, quoad ejus fieri potest, con-
venite.

xii. Ordine confidite.

xiii. Mane, priusquam conveniatis, ci-
bum ne capite, sed jejunii adeste.

xiv. Iejunium, quod in Ecclesiasticis his
actionibus olim institutum fuit, ut servetis,
hoc valde hortamur in Domino.

xv. In loco autem benedictionis, quod est
templum Dei, confidentes, ne vocibus ob-
strepite.

xvi. Non tumultibus rem Synodalem
perturbate.

xvii. Non confabulationibus operam
date.

xviii. Non è cancellis, intra quorum
fines sessio Diocesana habetur, exite, nisi ab-
soluta sessione, aut necessaria de cœla.

xix. Cum autem exire necesse habetis,
facultatem à Vicario generali petite, reversi,
ad eundem venite, antequam designato loco
confideatis.

xx. Sessione de more absoluta, non ra-
ptim turbulenterve discedite, sed graviter de-
coroque incessu.

xxi. Hæc omnia servate.

xxii. Cave-

xxii. Cavete denique, quæcumq; & Ecclesiastice disciplinæ, & Synodalis actionis dignitati, & loci venerationi, minimè conveniunt.

xxxii. Si quæ gravamina habetis, in scripto edite.

Hoc eodem pomeridiano tempore, ab horâ quartâ usque ad quintam, per totam Civitatem Osnabrugensem, in Ecclesiis Catholicorum, solemnem ritu campanæ pulsatæ fuerunt; & ipsâ die Synodi subsequenti, ab horâ quintâ matutinâ usque ad sextam; quoadusque nimirum Reverendissimus & Illustrissimus cum toto Clero (ut mox dicetur,) Ecclesiam suam Cathedralem ingressus.

SESSIO PRIMA.

Die itaque decimâ quartâ mensis Martii, horâ sextâ matutinâ, ad predictam solemnem campanarum compulsionem, convenit totus Clerus, iam Regularis, quam sacerularis, in Ecclesia Cathedrali Osnabrugensi. Auditâ sextâ, movetur processio per portam minorem Cathedralis Ecclesiae versus sanctum Paulum, ad addendum ex Residentia Reverendissimum ac Illustrissimum Principem.

ORDO PROCESSIONIS.

P Rimum procedunt Scholares. Hos sequuntur Franciscani, Dominicani, Cistercienses, Benedictini, Clerici alumni, Capellani & Vicarii Parochialium Ecclesiarum, Pastores rurales secundum Decanatus divisi, ut in Synodo Osnabrugensi, quæ habita fuit anno millesimo sexcentesimo trigesimo, designati sunt; Vicarii Collegiatae Ecclesiae ad sanctum Ioannem, Vicarii Cathedralis Ecclesiae, Decani rurales, deputati Monasteriorum tam virorum quam feminarum, Capitulum SS. Egidii & Caroli in Widenbrug, Capitulum sancti Alexandri in Wildeshausen, Capitulum sancti Ioannis Osnabrigi, Prelatus ex Clarholt, Abbas Iburgensis, & denique Capitulum Cathedrale; quod Illustrissimus, ubi ad Residentiam suæ Celsitudinis pervenerat, aulicis suis stipatus, immediate fecutus est.

Ut primum Illustrissimus Ecclesiam ingressus, depositâ mozzettâ, assumpit cappam Episcopalem; Dominus Propositus à Leeradt, eidem de more aspersorium porrexit; quo se & alios aspergens, statim per navem Ecclesiae ad genuflexorium, ante altare sanctæ Crucis, prope Venerabile Sacramentum, preparatum, perrexit, & in eo, toto Clero subsidente, parumper genuflexus oravit. Finita oratione, Illustrissimus surrexit; Clerus regularis remansit ante Chorūm, in duo latera in navi Ecclesiae divisi; foraneus verò, & qui ex Civitate erat, una cum Prelatis & Illustrissimo, ad Chorum ascendit; singuli ad designata sibi loca perre-

xerunt; Cathedrales Canonici (iis exceptis, qui Reverendissimo in sacris ministraturi erant) subsellia Chori superiora, Vicarii vero inferiora occuparunt. E regione troni Episcopalis collocauit se Abbas Iburgensis super nudo genuflexorio, & sedili ad id præparatis. Pastores & Ecclesiarum Rectores, Canonici Collegiatarum extra urbem, Vicarii, Beneficiati, & Capellani, in spatio inter subsellia Chori intermedio, in certas lineas divisi, se firmarunt.

Interea dum hec fuit, continuo ab ingressu Illustrissimi in Ecclesiam, organa & campanæ pulsatae fuerunt; Reverendissimus ante altare quoque summum genuflexus more solito oravit. Facta oratione, & exhibita altari reverentia, comitatus ab assistentibus, ad sedem suam perrexit. In qua cum modico spatio conserdisset, organa & campanæ cessarunt. Et mox surgens Reverendissimus, Nonam (prout alias Tertiam) incepit; quam Chorus proscenius est. Sub Nona Illustrissimus induitus est solitis paramentis, humerali, amictu, alba, cingulo, cruce pectorali, stola pluviali, ac mitra, & accessum ad Sacrum legit; in fine Nonæ cantavit Collectam, & Nonam finivit. quâ finitâ, depositâ pluviale; &, reliquis paramentis omnibus Pontificalibus, uii tunicella, dalmatica, casula, assumptis, cum assistentibus, similiiter indutis, Sacrum votivum solemnne de Spiritu sancto incepit.

MISSÆ CELEBRATIO, & Communionis distributio.

SAcrum hac die cantatum est solemniter de Spiritu sancto, absque ulla commemoratione, per Reverendissimum ac Illustrissimum Episcopum. Musica, toto Sacri tempore, solemnis fuit. Clerus à tribus, ad id deputatis, incensatus; factaque Communio ejusdem Cleri, stolis rubris à Sacerdotibus assumpsis. Dum igitur altâ voce Diaconus Missæ, post sumptum ab Illustrissimo Communionem, cantavit Confiteor, mox bini accesserunt ad Sacram synaxin, servato dignitatis ordine. Benedictio solemnis, a Reverendissimo & Illustrissimo in fine Missæ dari solita, usque ad Synodum,

juxta